



COMUNU DE ARRESI

SUD SARDEGNA
AREA SÒTZIO ASSISTENTZIALI PEDAGÒGICA
Pratza A. Moro 1, 09010 SANT'ANNA ARRESI – Tel.0781.96691
.IVA 01351570922 C.F. 81001910926

Lei 62/98 – Torrant a abèrrere is tèrmines po sa presentatzione de is dimandas pro s'annu 2022

Sa Giunta Regionale cun deliberatzione sua n. 50/44 de su 28.12.2021 at ordinadu chi is tzitadinos in situatzione de disabilitade graviechi otenint su reconoschimentu a pustis de su 31.03.2022 e a intro de su 30.10.2022 sigundu sa Leige n. 104/92 art. 3, comma 3, podent presentare sa rechesta de finantziamentu de is pianos personalizados.

Cun tzirculare n. 7919 de su 27.05.2022 sa Direztione Generale de is Políticas Sotziales at modificadu sa Deliberatzione arremonada permitende sa presentatzione de is dimandas puru a is chi ant otenutu su reconoschimentu in antis de su 31.03.2022.

Su finantziamentu at a èssere cuntzèdiu sceti in casu de disponibilitade de resorsas in s'annu currente, a pustis chi at a èssere assicurada sa cobertura finantziària de is pianos giae presentados e ponende infatu a s'òrdine cronològicu de arribu (tali chi si coberrat assumancus una mensilidade a intrus de su 30.11.22).

Is dimandas si podent presentare dae su 15.07.2022 a su 30.10.2022.

A sa dimanda si depet alliongiare sa documentatzione afatante:

- Documentu de identidade e tèssera sanitària de su tzitadinu po su cale si richedit su progetu Lege 162/98;
- Documentu de identidade e tèssera sanitària de sa persona chi firmat sa dimanda
- Verbale de riconoschimentu de s'istadu de handicap grave sigundu sa Lege 104/92, art. 3 comma 3 (a intro de su 30.10.2022)
- Ischeda Salute (alliongiu B) compilada, firmada e timrbada dae su dotore de famiglia o dea su pediatra a scioberu liberu e/o àteru dotore de istrutura pùbblica o mèigu cunventzionadu chi tenet in cura su beneficiariu de su pianu;
- Eventuale tzertificatzione sanitària chi atestat ca sa disabilitade est cunghènita o chi est arribada a intro de su de 35 annos de edade;

Is istàntzias noas si depent presentare sceti IN UNU FILE ÒNICU E IN UNA MAIL ÒNICA a s'ufitziu protocollu sigundu una de is modalidades afatantes:

- posta ordinària: messi@comune.santannaarresi.ca.it;

- posta tzertificatda: protocollo.santannaarresi@pec.it (chi donat su nùmeru de protocollu in manera automàtica);

- intregada a manu, ponedu sa dimanda cun is alliongios in busta serrada, cun s'inditu de su mitente e de su destinatariu, in sa cascita de sa posta arrùbia posta in foras de su palàtziu comunale.